


Minister Otmar Oduber

Xander Bogaerts ta hibando nomber di nos isla mas den halto

Aruba ta wordo promociona durante tur e weganan di Boston Red Sox



ORANJESTAD (AAN): Minister Otmar Oduber ta na e momentonan aki na Boston pa asina cuminda y mustra e sosten na nos famoso beisbolista Xander Bogaerts y den nomber di Gobierno y pueblo di Aruba gradicie pa e tremendo promocion cu e ta haciendo pa nos isla y con e ta hibando nomber di nos isla mas den halto.

E mandatario cu ta un fanatico di New York Yankees adunadiconocecu a pesar di esaki e ta sinti su mes sumamente orguyoso y ta sostene Xander 100% y su equipo Red Sox. "Mi ta sintimi hopi orguyoso di e gran logro di Xander y e forma cu el a bin ta hibando nomber di nos isla den halto. E promocion impagabel cu nos pida baranca ta hayando no solamente na Boston, pero rond mundo ta algo cu cada un di nos como Arubiano mester gradici Xander", Minister Oduber a duna di conoce.

E titular durante su bishita a reuni hunto cu CEO di ATA, Ronella Tjin Asjoe-Croes cu dirigentenan di Boston Red Sox y cu Boston Red Sox Foundation. Esaki den cuadro di e promocion cu

Aruba ta hayando durante e weganan di Boston Red Sox cu a cuminsa for di diasabra pasa.

E fundacion den cuadro di recaudacion di fondo ta rifando un biahe pa Aruba y di e forma aki nos isla ta hayando un tremendo promocion.

Durante tur e weganan na Fenway Park, cu ta e stadion di Boston Red Sox, ta bende e rifa pa gana un biahe pa Aruba, cual ta wordo promovi regularmente na momento cu saca e ganador ta bolbe promociona nos isla como destinacion turistico.

Durante e reunion cu dirigentenan di Boston Red Sox a papia riba otro nivel di cooperacion, caminda a mira e diferente posibilidadnan pa por traha hunto na 2014. Minister Otmar Oduber ta hopi positivo pa cu e cooperacion cu e ekipo di baseball aki y ta indica cu dentro di poco seguramente lo tin noticianan positivo relaciona cu esey.